

თელავის მუნიციპალიტეტის საკრებულოს
სამანდატო-საპროცედურო და იურიდიულ საკითხთა კომისიის სხდომის

ოქმი N 5

ქ.თელავი

19. 05. 2023 წ.

თავმჯდომარეობდა: სამანდატო-საპროცედურო და იურიდიულ საკითხთა კომისიის თავმჯდომარე ლევან ბერძენაშვილი.

სხდომას ესწრებოდნენ კომისიის წევრები: თინათინ ხანჯალიაშვილი, ალექსანდრე შათირიშვილი, მარიამ ლილუაშვილი, გივი ლაფაური, იმედა კევლიშვილი, გიგი გიგიტელაშვილი, ზვიად ხანჯალიაშვილი, რუსუდან იმერლიშვილი.

სხდომას აგრეთვე ესწრებოდნენ: თელავის მუნიციპალიტეტის მერიის იურიდიული სამსახურის სამართლებრივი უზრუნველყოფის განყოფილების უფროსი ელენე ფროდეული, თელავის მუნიციპალიტეტის საკრებულოს საორგანიზაციო განყოფილების უმცროსი სპეციალისტი ნინო ასანაშვილი, თელავის მუნიციპალიტეტის საკრებულოს სამანდატო-საპროცედურო და იურიდიულ საკითხთა კომისიაში მოწვეული სპეციალისტი ქეთევან ილაშვილი.

დღისწერი

1. თელავის მუნიციპალიტეტის საკრებულოს 2023 წლის 30 მარტის №08 დადგენილებაში „თელავის მუნიციპალიტეტის მერიის მიერ მშენებლობის შეჩერების შესახებ გამოცემული ადმინისტრაციულ-სამართლებრივი აქტის შესრულების კონტროლის განხორციელების წესის დამტკიცების შესახებ“ ცვლილების შეტანის თაობაზე

მომხს.ლ.ბერძენაშვილი

2. თელავის მუნიციპალიტეტის საკრებულოს 2022 წლის 31 მაისის №11 დადგენილებაში „თელავის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული ავტობუსებით (M3

კატეგორია) რეგულარული სამგზავრო გადაყვანის მარშრუტებზე მგზავრობის ტარიფისა და შეღავათების დადგენის შესახებ“ ცვლილების შეტანის თაობაზე

მომხს.ლ.ბერძენაშვილი

სხდომის დასაწყისში კომისიის თავმჯდომარემ აღნიშნა, რომ დღის წესრიგს დაემატებოდა მე-3 საკითხი, რომელიც ეხებოდა თელავის მუნიციპალიტეტის საკრებულოს ფრაქცია „ერთიანი ნაციონალური მოძრაობის“ თავმჯდომარის წერილს.

მომხს. ლბერძენაშვილი
კომისიის წევრები კენჭისყრის შედეგად ერთხმად დაეთანხმნენ დღის წესრიგის საკითხებს.

მოისმინეს: 1. თელავის მუნიციპალიტეტის საკრებულოს 2023 წლის 30 მარტის N08 დადგენილებაში „თელავის მუნიციპალიტეტის მერის მიერ მშენებლობის შეჩერების შესახებ გამოცემული ადმინისტრაციულ-სამართლებრივი აქტის შესრულების კონტროლის განხორციელების წესის დამტკიცების შესახებ“ ცვლილების შეტანის თაობაზე

აზრი გამოთქვეს: ლევან ბერძენაშვილმა აღნიშნა, რომ საქართველოს მთავრობის ადმინისტრაციიდან მუნიციპალიტეტის საკრებულოში შემოსული იყო სარეკომენდაციო წერილი ნორმატიულ აქტში განსახორციელებელ ცვლილებასთან დაკავშირებით. კერძოდ მან განმარტა, რომ ნორმატიულ აქტში არსებული ყველა ჩანაწერი რომელიც ეხება იურიდიული სამსახურის ადმინისტრაციული ზედამხედველობის განყოფილებას, იცვლება ჩანაწერით იურიდიული სამსახური, ვინაიდან სამსახურის ხელმძღვანელის გარდა სტრუქტურული ერთეულის სხვა საჯარო მოხელეს ადმინისტრაციულ-სამართლებრივი აქტის გამოცემის უფლება არ აქვს. საკითხს დაეთანხმნენ კომისიის წევრები შენიშვნები ან მოსაზრებები არ გამოთქმულა. კენჭისყრის შედეგად კომისიამ ერთხმად გადაწყვიტა:

გადაწყვიტეს: საკითხი წარედგინოს საკრებულოს ბიუროს უახლოეს სხდომას დადებითი რეკომენდაციით, საკრებულოს სხდომაზე მისი განხილვის მიზნით.

მოისმინეს: 2. თელავის მუნიციპალიტეტის საკრებულოს 2022 წლის 31 მაისის №11 დადგენილებაში „თელავის მუნიციპალიტეტის ადმინისტრაციულ

საზღვრებში ეკონომიკის რეგულირებად სფეროებად განსაზღვრული ავტობუსებით (M3 კატეგორია) რეგულარული სამგზავრო გადაყვანის მარშრუტებზე მგზავრობის ტარიფისა და შეღავათების დადგენის „შესახებ“ ცვლილების შეტანის თაობაზე

აზრი გამოთქვეს: საკითხთან დაკავშირებით განმარტება გააკეთა თელავის მუნიციპალიტეტის მერიის იურიდიული სამსახურის სამართლებრივი უზრუნველყოფის განყოფილების უფროსმა ელენე ფროდეულმა, რომელმაც აღნიშნა, რომ ვინაიდან მერიას კანონის შესაბამისად ეკრძალება სხვბა უწყებიდან პერსონალური მონაცემების მოპოვება, ამრიგად 2022 წლის 31 მაისის №11 დადგენილებაში „თელავის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული ავტობუსებით (M3 კატეგორია) რეგულარული სამგზავრო გადაყვანის მარშრუტებზე მგზავრობის ტარიფისა და შეღავათების დადგენის „შესახებ“ შინაარსი არის კანონთან შეუსაბამო და ამოსაღებია მე-6 და მე-7 მუხლები,

ხოლო „მუხლი 5. უნდაჩამოყალიბდეს შემდეგი რედაქციით:

„მუხლი 5 ამ დადგენილების მე-2 მუხლით განსაზღვრული (გარდა სტუდენტის სტატუსისა) შეღავათიანი მგზავრობის ტარიფით სარგებლობის მიზნით გასაცემი სამგზავრო პერსონიფიცირებული პლასტიკური ბარათის მისაღებად წარმოდგენილი უნდა იქნას შესაბამისი სტატუსისა და პირადობის დამადასტურებელი დოკუმენტი“. საკითხს დაეთანხმენ კომისიის წევრები, კომისიის თავმჯდომარემ კი აღნიშნა, რომ ხსენებული ცვლილების პროექტზე განსაზღვრულია 2 თვიანი ადმინისტრაციული წარმოების ვადა და შესაძლოა მერიის მიერ დამატებით წარმოდგენილი იქნეს ცვლილების პროექტი, ამიტომ უმჯობესი იქნებოდა, რომ საკითხს კიდევ ერთხელ მიბრუნებოდა კომისია 2023 წლის ივნისის თვეში და შესაბამისად დამატებით ემსჯელათ საკითხზე.

გადაწყვიტეს: კომისიის თავმჯდომარის მოსაზრებას მხარი დაუჭირეს კომისიის სხვა წევრებმა და მიიჩნიეს, რომ საკითხზე მსჯელობა უნდა გაგრძელდეს მომდევნო კომისიის სხდომაზეც.

მოისმინეს: 3. თელავის მულიციპალიტეტის საკრებულოს ფრაქცია „ერთიანი ნაციონალური მოძრაობის“ თავმჯდომარის ბადურ რევაზიშვილის განცხადების განხილვა.

აზრი გამოთქვეს: კომისიის თავმჯდომარემ აღნიშნა, რომ შემოსულია ფრაქცია „ერთიანი ნაციონალური მოძრაობის“ თავმჯდომარის ბადურ რევაზიშვილის განცხადება, სადაც ნათქვამია რომ თელავის მუნიციპალიტეტის საკრებულოს კომისიებში პროპორციული წარმომადგენლობის კვოტებიდან გამომდინარე, ამავე ფრაქციის წევრი ალექსანდრე კუპატაძე, წარდგენილი უნდა იქნას საკრებულოს მხოლოდ ერთი კომისიის წევრად სივრცით ტერიტორიული დაგეგმარების ინფრასტრუქტურისა და ბუნებრივი რესურსების კომისიაში, ვინაიდან მისი კანდიდატურა გამორჩენილი იყო ფრაქციის 2023 წლის 24 მარტის წერილში, რომელიც ეხებოდა ახალი პერსონალური წარმომადგენლობების განსაზღვრას კომისიებში. საკითხის ირგვლივ სხვა განმარტებები ან მოსაზრებები არ გამოთქმულა. ვინაიდან საკითხი თანხვედრაშია საქართველოს ორგანული კანონი „ადგილობრივი თვითმმართველობის კოდექსი“-ის და თელავის მუნიციპალიტეტის საკრებულოს რეგლამენტით განსაზღვრულ მოთხოვნებთან კომისიამ გადაწყვიტა:

გადაწყვიტეს: წარედგინოს საკრებულოს ბიუროს ცნობად მისაღებად, ფრაქცია ფრაქცია „ერთიანი ნაციონალური მოძრაობის“ გადაწყვეტილება, რათა პერსონალური წარმომადგენლობა მუდმივმოქმედ კომისიებში დაზუსტდეს და ალექსანდრე კუპატაძის კანდიდატურა განსაზღვროს საკრებულოს სივრცით ტერიტორიული დაგეგმარების ინფრასტრუქტურისა და ბუნებრივი რესურსების კომისიაში და კომისიის შემადგენლობა განისაზღვროს შემდეგი სახით:

თელავის მუნიციპალიტეტის საკრებულოს სივრცით-ტერიტორიული
დაგეგმარების, ინფრასტრუქტურის და ბუნებრივი რესურსების კომისია:

1. უჩა ჭოტიაშვილი
2. დავით ღაღანიძე
3. ზურაბ მოსახლიშვილი
4. ზურაბ მუსაევი
5. ზაზა ტატულიშვილი

6. გიორგი ქართლელიშვილი
7. ნიკოლოზ მაისურაძე
8. მამუკა ბურდიაშვილი
9. ივანე კირვალიძე
10. ბაადურ რევაზიშვილი
11. გელა ჭვრიტიძე
12. რამაზ ჩეკურიშვილი
13. ზაქარია გრიშიკაშვილი
14. ეთერ გურგენაშვილი
15. ალექსანდრე კუპატაძე

კომისიის თავმჯდომარე



ლევან ბერძენაშვილი